

U skladu sa članom 13. Zakona o principima lokalne samouprave u Federaciji Bosne i Hercegovine („Službene novine F BiH“ broj: 49/06 i 51/09) članovima, 14, 24. i 117. Statuta općine Hadžići („Službene novine Kantona Sarajevo“, broj: 15/09, 17/12,10/13,14/13-isppravka, 11/18 i 1/20/) a na osnovu člana 54. stav 2. Zakona o osnovnom odgoju i obrazovanju („Službene novine Kantona Sarajevo“, broj: 23/17, 33/17 i 30/19) i člana 88. Poslovnika o radu Općinskog vijeća Hadžići-prečišćeni tekst („Službene novine Kantona Sarajevo“, broj: 7/18) Općinsko vijeće Hadžići na 33.-oj sjednici održanoj 27.02.2020. godine, d o n o s i

- N a c r t -

ODLUKU

o definisanju prijedloga školskih područja za javne ustanove, osnovne škole na području općine Hadžići

Član 1.

Ovom Odlukom definiše se prijedlog školskih područja za svaku javnu ustanovu, osnovnu školu na području općine Hadžići, po osnovu kojeg će Ministarstvo za obrazovanje, nauku i mlade Kantona Sarajevo utvrditi školsko područje za svaku ustanovu, školu.

Član 2.

I - Područje Osnovne škole „6. mart“ u Hadžićima obuhvata slijedeće ulice: Hadželi i to od ulaza u Hadžiće sa puta M-17 iz pravca Sarajeva, od broja 2. do broja 277. osim brojeva 1. 7. i 9. Džamijska, 6.mart, Omladinska, Dupovci, Dupovci I, Dupovci II, Gradac, XII Hercegovačke brigade, Ban Brdo, Ceribašin do, Kućice I, Kućice II, Utržje, Grivići, Stari Grivići, Vrbica, Sajnica, Vihrica, Vrančići, Vrančići I, Vrančići-Novo naselje, Novo naselje I, Novo naselje II, Buturovići kod Drozgoetve, Drozgoetva Bare, Bare I, Put za Gajice, Koščan, Mokrine, Igmanski put od broja 2. do broja 104. Igmanska, Igmanska I, Brezovačka, Veksel, Dubravice, 27. Juli, Žunovačka, Žunovačka I, Iznad pruge, Novo naselje, Rije, Stara pruga, Stari put, Strma, Tinohovska, Kasatići, Kasatići-Brca, Kasatići-Prohe, Kasatići-Vikend naselje.

Član 3.

Osnovna škola škole „6.mart“ u Hadžićima prima školske obveznike za niže razrede i više razrede iz ulica: Hadželi i to od ulaza u Hadžiće sa puta M-17 iz pravca Sarajeva, od broja 2. do broja 277. osim brojeva 1. 7. i 9. Džamijska, 6.mart, Gradac, Dupovci, Dupovci I, Dupovci II, XII Hercegovačke brigade, Ban Brdo, Kućice I, Kućice II, Utržje, Grivići, Stari Grivići, Vrbica, Sajnica, Vihrica, Vrančići, Vrančići I, Vrančići-Novo naselje, Novo naselje I, Novo naselje II, Buturovići kod Drozgoetve, Drozgoetva Bare, Bare I, Put za Gajice, Koščan, Mokrine, Igmanski put od broja 2. do broja 104. Igmanska, Igmanska I, Brezovačka, Veksel, Dubravice, Gačani, 27.Juli, Žunovačka, Žunovačka I, Iznad pruge, Novo naselje,

Rije, Stara pruga, Stari put, Strma, Tinohovska, Ceribašin do, Kasatići, Kasatići-Brca, Kasatići-Prohe, Kasatići-Vikend naselje.

Član 4.

Područje Osnovne škole „Hadžići“ u Hadžićima obuhvata slijedeće ulice: Hadželi i to od ulaza u Hadžiće sa puta M-17 iz pravca Sarajeva brojevi 1. 7. i 9. Igmanski put od broja 1 do broja 97. Gačani, Zlatnih ljiljana, Peti april, Sutice, Kapišan, Kapišan I, Kapišan II, Milinjača, Milinjača I, Kasarna, Bjelotine, Ulica lipa, Ušivak, Stari Ušivak, Musići, Put spasa, Donji Hadžići, Donji Hadžići- Iza pruge, Patriotske lige, Hrnjići, Stari hrast, Garovci, Put za Stublove, Podvode, Industrijska, Industrijska zona Garovci, Binježevo, Malotina, Dobrijevac, Začuprije, Kukrika, Potkraj, Đapići, Čate, Močila, Breza, Boce, Mostarsko Raskršće, Šunji, Dolina, Podrinjska, Bosanska, Duboki potok, Ulica grabova, Srebrenička, Mostarska, Krčevine, Bukovik, Balića brijeg, Miševići, Orah, Toviš, Gaj, Stolića do, Put za lovačku kuću, Put farmi, Studenac, Mekote i Obrovac.

Osnovna škola „Hadžići“ u Hadžićima kao centralna ima područnu školu u Binježevu.

Član 5.

Osnovna škola „Hadžići“ u Hadžićima kao centralna, prima školske obveznike za više razrede iz ulica: Binježevo, Malotina, Dobrijevac, Začuprije, Kukrika, Potkraj, Đapići, Čate, Močila, Breza, Boce, Mostarsko Raskršće, Šunji, Dolina, Podrinjska, Bosanska, Duboki potok, Ulica grabova, Srebrenička, Mostarska, Krčevine, Bukovik, Balića brijeg, Miševići, Orah, Toviš, Gaj, Stolića do, Put za lovačku kuću, Put farmi, Studenac, Mekote i Obrovac, a za niže i više razrede iz ulica Hadželi i to od ulaza u Hadžiće sa puta M-17 iz pravca Sarajeva brojevi 1. 7. i 9. Igmanski put od broja 1 do broja 97. Gačani, Zlatnih ljiljana, Peti april, Sutice, Kapišan, Kapišan I, Kapišan II, Milinjača, Milinjača I, Kasarna, Bjelotine, Ulica lipa, Ušivak, Stari Ušivak, Musići, Put spasa, Donji Hadžići, Donji Hadžići- Iza pruge, Patriotske lige, Hrnjići, Stari hrast, Garovci, Put za Stublove, Podvode, Industrijska i Industrijska zona Garovci.

Član 6.

Područje područne škole u Binježevu obuhvata školske obveznike za niže razrede iz ulica: Binježevo, Malotina, Dobrijevac, Začuprije, Kukrika, Potkraj, Đapići, Čate, Močila, Breza, Boce, Mostarsko Raskršće, Šunji, Dolina, Podrinjska, Bosanska, Duboki potok, Ulica grabova, Srebrenička, Mostarska, Krčevine, Bukovik, Balića brijeg, Miševići, Orah, Toviš, Gaj, Stolića do, Put za lovačku kuću, Put farmi, Studenac, Mekote i Obrovac.

Član 7.

Područje Osnovne škole „9.maj“ u Pazariću obuhvata slijedeće ulice: Donji Zovik, Lokve, Crepljani, Gornji Zovik, Ljubovići, Prijeki put, Slatina, Vratić, Kahrimani, Dub, Ferhatlije, Jeleč, Ljubovčići, Šavnici, Bjelašnička, 9.maj, Šavnička, Paklica, Željeznička, Radnička, Omladinska, Novo naselje, Doljani, Donji Doljani, Dragovići, Karaosmanovići, Beganovi, Lihovci, Resnik, Ramići, Šinici, Grude, Sejdanovići, Trnčići, Urduk, Deovići, Osenik, Beganova ravan, Milakovac, Rezidencionalno naselje, Buturovići kod Osenika i Kazina Bara.

Područje centralne Osnovne škole „9. maj“ Pazarić ima područnu školu u Lokvama.

Član 8.

Centralna Osnovna škola „9. maj“ Pazarić prima školske obveznike, za više razrede iz ulica: Lokve i Crepljani, a za niže i više razrede iz ulica: Donji Zovik, Gornji Zovik, Ljubovići, Prijeki put, Slatina, Vrtić, Kahrimani, Dub, Ferhatlije, Jeleč, Ljubovčići, Šavnici, Bjelašnička, 9.maj, Šavnička, Paklica, Željeznička, Radnička, Omladinska, Novo naselje, Doljani, Donji Doljani, Dragovići, Karaosmanovići, Beganovi, Lihovci, Resnik, Ramići, Šinici, Grude, Sejdanovići, Trnčići, Urduk, Deovići, Osenik, Beganova ravan, Milakovac, Rezidencionalno naselje, Buturovići kod Osenika i Kazina Bara.

Član 9.

Područje područne škole u Lokvama obuhvata školske obveznike za niže razrede iz ulica: Lokve i Crepljani.

Član 10.

Područje Osnovne škole „Hilmi ef. Šarić“ u Tarčinu obuhvata slijedeće ulice: Aleksići, Medvjedice, Luke, Lučko polje, Sivice, Kapuča, Suhodolska, 9.brdske brigade, Mlavica, Bosanskih gazija, Tarčin, Vilovačka, 27. Juli, Civilnih žrtava rata, Tuheljska, Japalaci, Čičke, Donja Bioča, Gornja Bioča, Gornja Bioča I, Mehina Luka, Budmolići, Budmolići I, Budmolići II, Budmolići III, Duranovići, Češće, Odžak, Korča, Do, Opute, Smucka, Orahovica, Vrbanja, Trzanj, Donja Raštelica, Gornja Raštelica, Đanići i Vukovići.

Područje centralne Osnovne škole „Hilmi ef.Šarić“ Tarčin ima područne škole u Korči i Donjoj Rašteli.

Član 11.

Centralna škola „Hilmi ef. Šarić“ Tarčin prima školske obveznike, za više razrede iz ulica: Odžak, Korča, Trzanj, Vukovići, Đanići, Orahovica, Donja Raštelica, Gornja Raštelica, a za niže i više razrede iz ulica: Aleksići, Medvjedice, Luke, Lučko polje, Sivice, Kapuča, Suhodolska, 9.brdske brigade, Mlavica, Bosanskih gazija, Tarčin, Vilovačka, 27. Juli, Civilnih žrtava rata, Tuheljska, Japalaci, Čičke, Donja Bioča, Gornja Bioča, Gornja Bioča I, Mehina Luka, Budmolići, Budmolići I, Budmolići II, Budmolići III, Duranovići, Češće, Do, Opute, Smucka i Vrbanja.

Član 12.

Područje područne škole u Korči obuhvata školske obveznike za niže razrede iz ulica: Odžak, Korča i Trzanj.

Član 13.

Područje područne škole u Donjoj Rašteli, obuhvata školske obveznike za niže razrede iz ulica: Vukovići, Đanići, Orahovica, Donja i Gornja Raštelica.

Član 14.

Škole su dužne u vrijeme upisa istaći na vidnom mjestu spisak ulica iz kojih se vrši upis učenika.

Javna ustanova osnovna škola je dužna da upiše djecu kao školske obveznike u školu u zavisnosti kojem školskom području školski obveznik pripada po osnovu prebivališta, odnosno CIPS-ove prijave.

Član 15.

Na osnovu odobrenja ministra/ministrice kantonalnog ministarstva za obrazovanje, nauku i mlade, u školu kao javnu ustanovu može se upisati i učenik koji ima prebivalište na području druge općine na teritoriji Kantona Sarajevo, odnosno na teritoriji Bosne i Hercegovine, ukoliko škola ima uslove propisane važećim-propisanim standardima i normativima.

Član 16.

Škola čiji osnivač nije Kanton, upisuje školske obveznike na osnovu ugovora s roditeljima učenika nezavisno o školskom području, o čemu je obavezna obavjestiti školu sa čijeg su školskog područja upisani učenici.

Član 17.

Odluka o definisanju prijedloga školskih područja za svaku javnu ustanovu, osnovnu školu na području općine Hadžići uputit će se Ministarstvu za obrazovanje, nauku i mlade Kantona Sarajevo u cilju utvrđivanja školskih područja za svaku javnu ustanovu, osnovnu školu na području općine Hadžići.

Član 18.

Stupanjem na snagu Odluke Ministarstva za obrazovanje, nauku i mlade Kantona Sarajevo o utvrđivanju školskog područja za svaku javnu ustanovu osnovnu školu na području općine Hadžići , prestaje da važi Odluka o utvrđivanju školskih područja osnovnih škola općine Hadžići („Službene novine Kantona Sarajevo“ br. 23/15)

Broj:01-02-_____/2020

Predsjedavajući Općinskog vijeća Hadžići

Hadžići, 27.02.2020. god.

Kalem Adi

O b r a z l o ž e n j e:

Pravni osnov:

Pravni osnov za donošenje ove Odluke sadržan je u odredbama člana 13. Zakona o principima lokalne samouprave Federacije Bosne i Hercegovine ("Službene novine F BiH", broj 49/06 i 51/09) kojim su utvrđene i nabrojane nadležnosti Općinskog vijeća, a u skladu sa tim i odredbama člana 14, 24. i 117. Statuta općine Hadžići („Službene novine Kantona Sarajevo“, broj: 15/09, 17/12,10/13,14/13-ispravka,11/18 i 1/20/).

Odredbama Statuta općine Hadžići, član 14. definisano je da općina Hadžići obavlja poslove kojima se neposredno ostvaruju potrebe građana, i to naročito poslove koji se odnose na osiguranje uslova za poštivanje i zaštitu ljudskih prava i osnovnih sloboda u skladu sa Ustavom i Zakonom, te vrše ocjene rada ustanova i kvaliteta usluga u djelatnosti zdravstva, socijalne zaštite, obrazovanja, kulture i sporta, kao i osiguranje finansijskih sredstava za unapređenje njihovog rada i kvaliteta usluga u skladu sa potrebama stanovništva i mogućnostima Općine.

Članom 24. i 117. Statuta općine Hadžići propisane su nadležnosti Općinskog vijeća za donošenje propisa i drugih akata u skladu sa Ustavom i Zakonom.

Član 54. stav 2. Zakona o osnovnom odgoju i obrazovanju ("Službene novine Kantona Sarajevo", broj: 23/17, 33/17 i 30/19) utvrđuje da:

“(1)Školsko područje je prostorno područje s kojeg se učenici upisuju u određenu školu na osnovu prebivališta, odnosno CIPS-ove prijave.

(2) Ministarstvo na prijedlog općinskog vijeća na čijoj teritoriji se nalazi škola utvrđuje školsko područje za svaku javnu ustanovu, školu uz saglasnost Ministarstva i poštivanje principa iz člana 22. ovog zakona, u vezi sa kojim je obaveza škole upisati djecu kao školske obveznike, izuzev za paralelne škole i centre, koji upisuju djecu sa više općina.

(3) Pri utvrđivanju školskog područja poštovat će se osnovni princip, a to je da se učenicima omogući pohađanje škole koja je najbliža njihovom mjestu stanovanja.

(4) Škola može na svom školskom području organizirati nastavu i u područnim školama, a u skladu sa standardima i normativima.

(5) Škola kojoj osnivač nije Kanton, upisuje školske obveznike na osnovu ugovora s roditeljima učenika nezavisno o školskom području, o čemu je obavezna obavjestiti školu sa čijeg su školskog područja upisani učenici.

(6) Na osnovu odobrenja ministra, u školu kao javnu ustanovu može se upisati i učenik koji ima prebivalište na području druge općine na teritoriji Kantona Sarajevo, odnosno na teritoriji Bosne i Hercegovine, ukoliko škola ispunjava uvjete propisane važećim Standardima i normativima u oblasti obrazovanja.

Članom 88. Poslovnika o radu Općinskog vijeća Hadžići definisani su propisi koje donosi Općinsko vijeće Hadžići.

Razlozi za donošenje Odluke:

Programom rada Općinskog vijeća Hadžići za 2020. godinu nije planirano donošenje ove Odluke jer se čekalo na uspostavljanje Adresnog registra kao skupa svih adresa na jednom mjestu u elektronskom obliku.Uspješnim okončanjem poslova i aktivnosti oko adresnog registra isti je uspostavljen pred kraj 2019. godine, tako da smo ovu Odluku u formi nacrtu bili dužni pripremiti jer nam to nalažu odredbe novog Zakona o osnovnom odgoju i obrazovanju. Odredbe starog Zakona zahtjevale su od Općinskih vijeća donošenje Odluke o utvrđivanju školskih područja uz pribavljenu saglasnost ministarstva (što je urađeno još 2015. godine) dok po novom zakonu tu odluku donosi Ministarstvo za obrazovanje, nauku i mlade Kantona Sarajevo na prijedlog općinskog vijeća na čijoj teritoriji se nalazi škola utvrđujući školsko područje za svaku javnu ustanovu, osnovnu školu uz saglasnost Ministarstva.Predmetnom Odlukom u formi nacrtu za razliku od dosadašnje (iz 2015. godine- navedena naseljena mjesta) navedene su ulice koje „ulaze“ u školsko područje kao produkt aktivnosti oko uspostavljanja Adresnog registra što daje jasniju sliku školskog područja osnovnih škola na našem području.

Finansijska sredstva za provođenje ove Odluke nisu potrebna.

Predlažemo da Općinsko vijeće općine Hadžići donese Zaključak kojim će utvrditi nacrt Odluke o definisanju prijedloga školskih područja za svaku javnu ustanovu, osnovnu školu na području općine Hadžići te istu uputi na javnu raspravu u trajanju od 15 dana kako to predviđaju odredbe člana 111-113. Poslovnika o radu općinskog vijeća Hadžići te da pozove da na javnoj raspravi učestvuju: nastavnička vijeća i vijeća roditelja osnovnih škola, savjeti mjesnih zajednica i političke stranke kao i ostali zainteresovani ovom Odlukom.

Pripremila:
Služba za opću upravu, društvene djelatnosti
i zajedničke poslove

Broj: 01-02-_____/2020
Hadžići, 27.02.2020. godine

Na osnovu člana 24. Statuta Općine Hadžići („Službene novine Kantona Sarajevo“, broj:15/09, 17/12, 10/13, 14/13 - ispravka, 11/18 i 1/20), a u skladu sa članom 111-113. Poslovnika Općinskog vijeća Hadžići - prečišćeni tekst („Službene novine Kantona Sarajevo“ broj: 7/18), Općinsko vijeće Hadžići na 33. sjednici održanoj dana 27.02.2020. godine,
d o n o s i

ZAKLJUČAK

1. Utvrđuje se Nacrt Odluke o definisanju prijedloga školskih područja za javne ustanove osnovne škole na području općine Hadžići i stavlja na Javnu raspravu do 16.03.2020. godine.
2. Nacrt Odluke o definisanju prijedloga školskih područja za javne ustanove osnovne škole na području općine Hadžići dostavit će se na Javnu raspravu:
 - Nastavničkim vijećima i Vijećima roditelja osnovnih škola
 - vijećnicima u Općinskom vijeću Hadžići,
 - Općinskom načelniku,
 - političkim subjektima koji participiraju u Općinskom vijeću,
 - predsjednicima mjesnih zajednica,
 - ostalim zainteresovanim putem javne objave na web stranici općine Hadžići.
3. Nacrt Odluke iz tačke 1. ovog zaključka će se dostaviti svim subjektima iz tačke 2.
4. Nacrt Odluke iz tačke 1. Ovog zaključka objavit će se na web stranici Općine Hadžići – www.hadzici.ba.
5. Svoje prijedloge, primjedbe, mišljenja i sugestije na ponuđeni Nacrt Odluke subjekti iz tačke 2. Zaključka mogu dostaviti Službi za opću upravu, društvene djelatnosti i zajedničke poslove do 16.03.2020. godine.

Služba za opću upravu, društvene djelatnosti i zajedničke poslove pripremit će i blagovremeno dostaviti Općinskom vijeću na razmatranje Prijedlog Odluke definisanju prijedloga školskih područja za javne ustanove osnovne škole na području općine Hadžići te Izvještaj o provedenoj javnoj raspravi.

6. Zaključak stupa na snagu danom donošenja.

DOSTAVLJENO:

1. Nastavničkim vijećima i Vijećima roditelja osnovnih škola
2. Općinskom načelniku
3. Vijećnicima i političkim subjektima
4. Mjesnim zajednicama
4. Ostalim zainteresovanim, putem javne objave
6. www.hadzici.ba.
7. Evidenciji
8. A r h i v i.-

Predsjedavajući
Općinskog vijeća Hadžići

Adi Kalem